

Oleh Rizanizam Abdul Hamid
mrizanizam@hmetro.com.my
Kuala Lumpur

Kerajaan tidak bercadang menggantikan Program Susu 1Malaysia (PS1M) dengan produk makanan kultur atau dadih kerana kes yang berlaku akibat ketidakserasan murid dengan minuman itu terlalu rendah berbanding kebaikannya.

Timbalan Menteri Pendidikan P Kamalanathan berkata, sejak PS1M dimulakan pada 2010, hanya 0.01 peratus kes yang berlaku adalah berpunca daripada ketidakserasan atau alahan murid terhadap susu dan bukannya keracunan akibat kualiti susu.

“Malah setiap tahun, aduan terhadap program berkenaan yang memberi manfaat kepada 1.4 juta murid menunjukkan penurunan bermula dengan 97 aduan pada 2011, 78 (2012), 42, (2013), 41 (2014) dan 12 aduan pada tahun ini membabitkan 266 murid.

“Jadi kita tidak bercadang menggantikannya dengan produk lain kerana pakar daripada Kementerian Kesihatan Malaysia (KKM) pun mengesahkan susu adalah

PS1M kekal

■ Kerajaan tidak bercadang gantikan susu dengan produk minuman berkultur

FOTO: MOHAMAD SHAHRI BADRI SAJU



P Kamalanathan (tengah) bersama wakil peserta seminar di Majlis Perasmian Seminar PS1M di KL Sentral, Kuala Lumpur, semalam.

FAKTA
Aduan terhadap PS1M menurun sejak 2011

yang terbaik untuk program ini berbanding produk lain,” katanya pada sidang media selepas seminar PS1M di sini, semalam.

Turut hadir, Timbalan Pengarah Bahagian Keselamatan dan Kualiti Makanan

KKM Ahmad Nadzri Sulaiman dan Ketua Unit Kesihatan Bahagian Pengurusan Sekolah Harian Zafrullah Shamsudin.

Mengulas lanjut, Kamalanathan berkata, isu kualiti susu PS1M tidak sepatutnya timbul kerana produk ber-

kenaan adalah daripada pembekal sama dengan susu yang dijual di pasaran.

“Di pasaran pun, ada susu yang rosak sekiranya tidak dikendalikan dengan betul, sebab itu pada seminar hari ini kita bincangkan apakah langkah untuk memperka-

sakan lagi program ini.

“Malah kita mempunyai indikator yang baik hasil daripada program ini melalui kajian dibuat Universiti Putra Malaysia (UPM) terhadap kesannya kepada kekuatan tulang dan kecerdasan otak murid sekolah,” katanya.

PS1M yang sebelum ini dikenali Program Susu Sekolah (PSS) diperkenalkan sejak 1983 sebagai sebahagian daripada Rancangan Makanan Tambahan (RMT) untuk menggalakkan amalan minum susu dalam kalangan murid sekolah rendah.

PSS kemudian dijenamakan semula di bawah nama PS1M pada Julai 2010 dan setiap murid akan menerima dua kotak susu 200 mililiter berperisa coklat secara percuma dua kali seminggu.